

22.3 RAPPORT 3: DEPUTATE LITURGIESE SAKE EN OPDRAG, KO, ART 69 – KEURING VAN PSALMS, SKRIFBERYMINGS, BELYDENISLIEDERE EN ANDER GEESTELIKE LIEDERE (Artt 94, 274)

- A. Dr EJ Smit lewer die Rapport.
- B. **Besluit:** Punt 2.2.6 word verwys na Kommissie Liturgies.
- C. Die Rapport word staande die Sinode afgehandel.
- D. Ds J Malan rapporteer namens Kommissie Liturgies oor 2.2.6.

E. RAPPORT

1. Sake waarvan die Sinode kennis neem

- 1.1 *Opdrag:* Acta 2009:743, 5: “Die Sinode moedig kerke, waar ander praktyke gevolg word (kyk 3 hierbo), aan om Psalms, Skrifberymings en ander geestelike liedere aan die Deputate voor te lê vir beoordeling deur die volgende Sinode.”
- 1.2 Vanaf enkele kerke en lidmate is versoeke ontvang om liedere uit die Liedboek van die Kerk as Skrifgetroue liedere te beoordeel.¹
- 1.3 In die lig van die feit dat die Deputate eers ‘n omvattende beginselraamwerk waaraan liedere getoets kan word moes opstel, kon die Deputate nie al die liedere wat aan hulle voorgelê is keur nie.
- 1.4 ‘n Aantal liedere is wel deur die Deputate aan die hand van die voorgestelde omvattende beginselraamwerk (kyk Rapport 2: Deputate Liturgiese Sake en Opdrag KO, art 69, 2.1-2.5) getoets.²
- 1.5 Die Deputate het die liedere wat hulle aanvanklik goedgekeur het, aan prof CFC Coetzee en prof JH van Wyk voorgelê om die dogmatiese suiwerheid daarvan na te gaan. Behalwe vir enkele liedere waarvoor daar vrae was, is daar bevind dat die liedere dogmaties suiwer is.³
- 1.6 Ten opsigte van alle liedere waarvoor daar vrae was (hetsy in die aanvanklike keuringsproses deur die Deputate of deur die twee dogmatici aan wie die gekeurde liedere voorgelê is), het die Deputate besluit dat daar weer na hierdie liedere gekyk moet word en hulle vir eers nie goedgekeur word nie. Die rede was dat die Deputate nie tyd gehad het om behoorlik daarop in te gaan nie.⁴
- 1.7 Voortspruitend uit bogenoemde proses, nadat die Deputate deeglik aan elke lied aandag gegee het, beveel die Deputate een nuwe Skrifberyming (soos aanbeveel in 2.1 hieronder) en 18 Skrifgetroue liedere (soos aanbeveel in 2.2 hieronder) vir gebruik in die eredienste van die GKSA aan.

Besluit: Kennis geneem van 1.1 tot 1.7.

2. Sake waarvoor die Sinode besluit

- 2.1 Die volgende Skrifberyming word deur die Deputate aanbeveel vir gebruik in die eredienste van die GKSA, aangesien dit aan al die vereistes vir ‘n Skrifberyming voldoen.⁵

¹ Besonderhede van die versoeke wat ontvang is, is in ongepubliseerde Bylae A.

² Besonderhede van watter liedere deur die Deputate aan die hand van die voorgestelde omvattende beginselraamwerk getoets het, is in ongepubliseerde Bylae A. Besonderhede van die bespreking oor elke lied is ook in ongepubliseerde Bylae A.

³ Besonderhede van die kommentaar wat vanaf genoemde twee dogmatici ontvang is, is in ongepubliseerde Bylae A.

⁴ Besonderhede van watter liedere vir eers nie goedgekeur is nie en weer na gekyk moet word, is in ongepubliseerde Bylae A.

⁵ Besonderhede van die bespreking en bevinding oor hierdie voorgestelde Skrifberyming is in ongepubliseerde Bylae A.

2.1.1 Want so lief het God die wêreld gehad

ADVENT
Want so lief het God die wêreld gehad 329

Want so lief het God die wê-reld ge-had
dat Hy sy e-nigge-bo-re Seun ge-stuur het, ge - gee het,
so-dat elk-een wat in Hom glo nie verlo - re sal gaan nie,
maar die e - wi - ge le - we sal hê.

JOHANNES 3 : 16

Die Liedboek van die Kerk: Lied 329.

Besluit: Goedgekeur.

2.2 Die volgende Skrifgetroue liedere word deur die Deputate aanbeveel vir gebruik in die eredienste van die GKSA, aangesien dit aan al die vereistes vir 'n Skrifgetroue lied voldoen:⁶

2.2.1 Soos 'n wildsbok

TOETREDE EN AANROEPING

163 Soos 'n wildsbok

Soos 'n wildsbok wat smag na wa-ter,
smag my siel na U, o Heer.
U al - leen is my hartsver - lan - ge
en ek bring aan U die eer.
U al - leen is my bron van krag;
in U teen - woordigheid wil ek wag.
U al - leen is my harts - ver - lan - ge
en ek bring aan U die eer.

Die Liedboek van die Kerk: Lied 163

⁶ Besonderhede van die bespreking en bevinding oor elke lied is in ongepubliseerde Bylae A.

Besluit: Goedgekeur.

2.2.2 Heilig, heilig, heilig

TOETREDE EN AANROEPING

169 Heilig, heilig, heilig

Hei - lig, hei - lig, hei - lig, Heer, God al - mag - tig,
groot is u troon, U is steeds met lof om - ring!
Hei - lig, hei - lig, hei - lig, lief - de - ryk, ge - na - dig -
u troon is steeds met lig en lof om - ring!

2. Heilig, heilig, heilig, Heerser vir ewig;
groot is u Naam – U die Vader, Seun
en Gees.
Grote God, ons eer U, met u hele
skepping.
U wat in liefde God regverdig is.

3. Heilig, heilig, heilig, Heer, so weldadig,
groot is u guns, want U buig U tot ons
neer!
Heilig, heilig, heilig, magtig en
genadig. U wás en ís en sál vir ewig
wees.

Die Liedboek van die Kerk: Lied 169

Besluit: Goedgekeur.

2.2.3 Grote God, aan U die eer

LOFPYRSING

190 Grote God, aan U die eer

Gro - te God, aan U die eer!
Heer - lik is waar U re - geer;
he - mels is u ma - jes - teit;
hei - lig u ge - reg - tig - heid.
U wat al - les on - der - hou,
U is e - wig en ge - trou.

2. In genade, groot en ryk,
bou U, Heer, u koninkryk.
Voordat ek kon kies, kon vra,
het u Seun my vloek gedra.
Ek kon vind: U't my gekry
voor ek nog my skuld bely.

3. U, oor alles God en Hoof,
open oë van geloof
dat ons sien, geen goed of kwaad
word aan toeval oorgelaat:
Bokant ons begrip, verstand,
hou U al wat is in stand.

Liedboek van die Kerk: Lied 190

Besluit: Goedgekeur.

2.2.4 "God is liefde!" juig ons harte

ADVENT
334 "God is Liefde!" juig ons harte

"God is Lief - de!" juig ons har - te,
en be - dink wat lief - de doen:
Dat Hy ons sy Seun ge - stuur het
om ons son - de te ver - soen.

2. Hy wat eerste liefgehad het,
het in liefde ons vergeef –
nou kan ons, uit God gebore,
uit dié bron van liefde leef!
4. As die Vader in sy liefde
dan die sondaar maak tot kind,
mag sy Seun al meer gestalte
in ons doen en late vind!

3. Deur sy Gees, die wondergawe,
laat Hy wederliefde spruit;
en dié liefde – wat volmaak is –
dryf die vrees en selfsug uit.

Liedboek van die Kerk: Lied 334

Besluit: Goedgekeur.

2.2.5 Stille nag, heilige nag!

KERSFEES EN EPIFANIE

348 Stille nag, heilige nag!

Stil - le nag, hei - li - ge nag!
Je - sus - kind, lank ver - wag,
Lig uit Lig, uit die Va - der se ryk,
word uit lief - de aan men - se ge - lyk.
Loof die he-mel-se Kind!
Loof die he-mel-se Kind!

2. Stille nag, heilige nag!
Hemelvors, ons gee ag
op die lied van die engelekoor.
Herders het dit die eerste gehoor:
Juig, die Redder is daar!
Juig, die Redder is daar!

3. Stille nag, heilige nag!
Jesus, Heer, voor u mag,
voor u ryk moet die duisternis swig;
tot in ewigheid bly U die lig –
Heer, gebore vir ons!
Heer, gebore vir ons!

Die Liedboek van die Kerk: Lied 348

Besluit: Goedgekeur.

2.2.6 Die Heiland is gebore

KERSFEES EN EPIFANIE

Die Heiland is gebore 353

Die Hei-land is ge - bo - re, soos eeu-e reeds voorspel.
Daar in die stad van Da-wid word Hy Im-ma-nu - el.
Met bly - e he - mel-ko - re wil ons ook juig en sing:
Ons Hei-land is ge - bo - re – dis Hy wat red-ding bring!

2. Die Lig kom na die wêreld
in Jesus Christus, Heer.
Uit liefde vir die mensdom
daal Hy as dienskneg neer.
So lief het God die wêreld,
Hy gee vir ons sy Seun –
só word Hy ons Verlosser,
ons Middelaar en Steun.

3. Wie glo in Jesus Christus,
word nou sy eiendom.
Hy gee die reg tot kindskap
aan dié wat glo in Hom.
Juis daarom juig ons harte
opnuut dié Kersfeestyd:
Ons Heiland is gebore –
vertel dit wêreldwyd.

Die Liedboek van die Kerk: Lied 353

Besluit: Verwys na Kommissie Liturgies.

2.2.7 Jesus, Lam gelei ter slagting

LYDENSTYD EN GOEIE VRYDAG

Jesus, Lam gelei ter slagting **380**

Je - sus, Lam ge - lei ter slag - ting,
U oor - win vir ons die dood.
Je - sus, prooi van ons ver - ag - ting,
U dra self ons angs en nood;
drink die be - ker van ver - raad,
word deur mens en God ver - laat.
Dui - send, dui - send maal, o Heer,
bring ons daar - voor dank en eer!

2. Koning tot 'n spot geteken
met 'n riet en doringkroon;
by die moordenaars gereken
met veragting, smaad en hoon,
sodat óns mag vryspraak vra
en die kroon van eer kan dra.
Duisend, duisend maal, o Heer,
bring ons daarvoor dank en eer!

Die Liedboek van die Kerk: Lied 380

Besluit: Goedgekeur.

2.2.8 Die Heer, die Heer het opgestaan!

PAASTFEES

Die Heer, die Heer het opgestaan! 422

Die Heer, die Heer het op - ge - staan!
Die Heer het wáár - lik op - ge - staan!
Vir son - daars het die Heer ge - sterf,
die le - we deur sy dood ver - werf!
Oor - win - ning is vir ons ver - kry
oor son - de - mag en - heer - skap - py.

The image shows a musical score for the hymn 'Die Heer, die Heer het opgestaan!'. It consists of six staves of music in a single system. The first staff is the vocal line, and the following five staves are the piano accompaniment. The lyrics are written below the vocal line. The key signature is one flat (B-flat), and the time signature is 4/4. The word 'PAASTFEES' is written in the top right corner, and the number '422' is written in a large font to the right of the title.

2. Die Heer, die Heer het opgestaan!
Die Heer het wáárlík opgestaan!
Vir sondaars het die Heer gesterf,
die lewe deur sy dood verwerf.
Hy het oorwin die dood, die hel.
Ons kan dit wêreldwyd vertel!

3. Die Heer, die Heer het opgestaan!
Die Heer het wáárlík opgestaan!
Aan Hom die lof, die roem en eer,
Hy laat ons mét Hom triomfeer.
Laat ons, o Here, deur u Gees,
afhanlik en oorwinnaars wees.

Die Liedboek van die Kerk: Lied 422

Besluit: Goedgekeur.

2.2.9 Here, hoe blymoedig

LIEFDE, DANKBAARHEID EN DIENS

525 Here, hoe blymoedig

The image shows a musical score for the hymn 'Here, hoe blymoedig'. It consists of ten staves of music in a single system, each with a vocal line and Dutch lyrics underneath. The music is written in a treble clef with a key signature of one sharp (F#) and a common time signature (C). The lyrics are: He - re, hoe bly - moe - dig; en in dank oor - vloet - dig; maak U my die hart. U gee ons u se - en; soos 'n mil - de re - en; U ver - troos in smart. Ja, ons weet, ook in ons leed; leef ons on - der u ge - na - de; vrees ons nie die kwa - de.

2. Ook in sterwensmarte weet ons in ons harte: Ons Verlosser leef! En die liggaam, sterflik, sal U onverderflik eenmaal laat herleef. Laaste vyand, aardse dood, hoe ons soms vir jou ook bewe – Christus is ons lewe!

3. Heer, U gee u lewe, so word ons vergewe en verlos van dood. In U groot ontferming gee U ons beskerming – Redder uit die nood! Ons sal, tot u eer, o Heer, in u heil met blydschap lewe – aan U oorgegewe.

Die Liedboek van die Kerk: Lied 525

Besluit: Goedgekeur.

2.2.10 Skenk ons, Here, u beskerming

TOETREDE EN AANROEPING

151 Skenk ons, Here, u beskerming

Skenk ons, He - re, u be - sker - ming
en ont - fer - ming.
Sien in lief - de op ons neer.
Seën ons as ons hier ver - ga - der,
tot U na - der.
Laat ons saam wees tot u eer.

2. Bring ons, Here, tot bekering
deur u lering,
gee ons insig deur u Gees.
Maak ons harte oop, o Vader,
trek ons nader.
Laat u Woord ons lewe wees.

Die Liedboek van die Kerk: Lied 151

Besluit: Goedgekeur.

2.2.11 Lofsing die Here

LOFPYSG

184 Lofsing die Here

Lofsing die He - re, die E - wi - ge, sing tot sy e - re!
Lofsing die Koning, die Skepper, die Vader, die He - re!
Loof almal saam - groot is sy hei - li - ge Naam!
Loof Hom, die Heer van die he - re!

2. Lofsing die Here wat kunstig u liggaam berei het,
Hy is die sterke wat altyd nog by u gebly het;
wat in gevaar, hoe groot, hoe dreigend,
hoe swaar,
oor u sy vleuels gesprei het!
3. Lofsing die Here, dis Hy wat u kroon met sy seën!
Hy skenk die lewe, die wasdom, die sonlig, die reën!
O sterfling, weet: Hy wat Almagtige heet,
het ons in liefde bejeën.
4. Lofsing die Here, ja, almal kom loof nou die Here!
Alles wat asem het, hier tot in tydlose sferes!
Hy is die Lig; ons oog bly op Hom gerig:
Hy is die Heer van die here!

Die Liedboek van die Kerk: Lied 184

Besluit: Goedgekeur.

2.2.12 Troue Here van my lewe

SKULDBELYDENIS EN GENADE

241 Troue Here van my lewe

The image shows a musical score for the hymn 'Troue Here van my lewe'. It consists of ten staves of music in a treble clef with a key signature of one sharp (F#) and a common time signature (C). The lyrics are written below the notes. The lyrics are: Trou - e He - re van my le - we, God by wie ek vre - de vind; Va - der wat my skuld ver - ge - we, dank - baar leef ek as u kind. Vrees vir straf laat my nie wei - fel, want u lief - de laat geen twy - fel; ja, ek weet in son - de - smart: U is troos - ter van my hart.

2. U die kenner van ons harte,
sien my skuld en ken my nood.
Ek treur, vol berou en smarte,
want my sonde bring die dood.
Ja, U sien my hart se wonde,
sien my ly oor al my sonde,
Christus laat my voor U staan,
deur sy bloed neem U my aan.
3. Deur u Seun skenk U genade,
in geloof neem ek Hom aan.
Hy verlos my van die kwade;
Hy sal altyd met my gaan.
Al is ek in skuld gebore,
is ek in Hom uitverkore
voor u Woord in skeppingsmag
nag geskei het van die dag.

Die Liedboek van die Kerk: Lied 241

Besluit: Goedgekeur.

2.2.13 Die Heiland is gebore

KERSFEES EN EPIFANIE

335 Die Heiland is gebore

Die Hei - land is ge - bo - re -
juig saam met eng' - le - ko - re!
Hy, die He - mel - ko - ning,
kom in die vol - heid van die tyd,
kom maak by ons sy wo - ning,
kom bly by ons in e - wig - heid.
Hy is God met ons -
Hy, Im - ma - nu - el.

2. Die Heiland is gebore –
ons is nie meer verlore!
Hy, die Vredekonink,
versoen ons sondeskuld by God
en deur sy gunsbetoning
word liefde ook ons groot gebod.
Hy is God met ons –
Hy, Immanuel.

Die Liedboek van die Kerk: Lied 335

Besluit: Goedgekeur.

2.2.14 My enigste troos

DOOP
292

My enigste troos

The musical score is written on eight staves in a treble clef with a key signature of one sharp (F#). The lyrics are written below the notes. The first line of music is a double bar line followed by a repeat sign. The lyrics are: My e - nig-ste troos in le - we en dood is dat ek aan Je - sus Chris-tus be-hoort. Met sy kos - ba - re bloed het Hy my vry - ge-koop - dis my an-ker, my vas - te hoop. Ek be-hoort aan die He - re. Niks sal my ooit van Hom kan skei. Met sy kos - ba - re bloed het Hy my vry - ge-koop dis my an-ker, my vas - te hoop.

2. Die doop is die seël dat die Heilige Gees my 'n kind van God, die Vader laat wees. Sy onfeilbare Woord is die gids wat ons lei; deur sy liefde bewaar Hy my. Ek behoort aan die Here. Niks sal my ooit van Hom kan skei. Sy onfeilbare Woord is die gids wat ons lei; deur sy liefde bewaar Hy my.

Die Liedboek van die Kerk: Lied 292

Besluit: Goedgekeur.

2.2.15 Jesus, dit wat U moes ly

LYDENSTYD EN GOEIE VRYDAG

Jesus, dit wat U moes ly 386

The image shows a musical score for the hymn 'Jesus, dit wat U moes ly'. It consists of eight staves of music in a single system, all in treble clef with a key signature of two flats (B-flat and E-flat). The lyrics are written below each staff. The lyrics are: 'Je - sus, dit wat U moes ly, bly in my ge - dag - te. U maak ons van son - de vry, vry van bo - se mag - te. Deur u bloed is ons ver - los; word ons skuld ver - ge - we. Angs en dood het dit ge - kos, Je - sus, Bron van le - we.'

2. Aan die kruis het U geroep
in u sterwenslyding,
en dié roep: "Dit is volbring!"
is die blye tyding.
U was vir 'n sondaar borg,
wat langs U gesterf het
neem my in u liefdesorg;
dink aan my ook, Here.

Besluit: Goedgekeur.

Die Liedboek van die Kerk: Lied 386

2.2.16 Heilige Jesus

TOETREDE EN AANROEPING

Heilige Jesus

168

Hei - li - ge Je - sus,
Heer van die he - re,
U is ver-hoog tot die he - mel - troon.
Ons bring U e - re,
Chris - tus, die He - re!
Met heer - lik - heid is U ge - kroon.

2. Mooi is die aarde, dit het groot waarde, maar is gering voor u grootheid, Heer. U is ons lewe, U is ons vrede. U Gees moet ons hier lei en leer.
3. U is die Alfa, en die Omega. U kom en elkeen sal U kan sien. U is die Eerste. U is die Laaste. Die ganse skepping sal U dien.
- Die Liedboek van die Kerk: Lied 168

Besluit: Goedgekeur.

2.2.17 Loof Christus, roem sy wonderdade

Loof Christus, roem sy wonderdade 428

Loof Chris-tus, roem sy won-der-da - de,
sy al-mag, lief - de en ge - na - de.
Hy't na die Va - der op - ge - vaar,
maak daar vir ons 'n woon-plek klaar
dat ons ook deur Hom op kan staan
en dank-baar na die Va - der gaan.

2. Hy is ons Voorspraak by die Vader;
 deur Hom tree ons vrymoedig nader.
 Hoe groot ons sondeskuld ook is,
 volkome word dit uitgewis.
 Wie soek, sal vind; wie klop in hoop,
 vind so die poort na God toe oop.

3. Hy hoor die dank- en smeekgebede
 van ons, sy swakke aardse lede.
 Hy toon aan ons sy trou en mag –
 sy las is lig, sy juk is sag.
 Het ons nie raad nie, weet ons dít:
 Hy is by ons, Hy leer ons bid.

4. Loof Christus, roem sy wonderdade –
 hoe groot sy liefde en genade!
 Hy heers omhoog en wêreldwyd.
 Hy vestig hier sy koninkryk –
 ontelbaar hul wat op kan staan,
 vrymoedig na die Vader gaan.

Die Liedboek van die Kerk: Lied 428

Besluit: Goedgekeur.

2.2.18 O God van hoop, gee ons u vrede

HOOP EN VOLEINDING

588 O God van hoop, gee ons u vrede

O God van hoop, gee ons u vre - de,
 leer ons soos kin-ders op U wag.
 Ons wil in stryd en moei - lik - he - de
 van U al - leen ons heil ver - wag.
 As ons geen weg meer ver - der sien nie,
 help ons om net op U te bou,
 wat on-aan - tas - baar vas en se - ker
 u Word en u be - lof - tes hou.

2. Ons het 'n hoop wat oor die einde,
 oor sterwensuur en graf heen reik.
 Dis onaantasbaar vas en seker
 as alle aardse dinge wyk.
 Ons het 'n toekoms saam met Christus –
 die einde is maar die begin.
 Die dood is oorgang tot die lewe –
 ons woon by God vir ewig in.

3. Nooit kan geloof te veel verwag nie,
 want God bly aan sy Woord getrou.
 Geen grense is daar aan sy mag nie,
 Hy sal al sy beloftes hou.
 Die hoop op Hom vervul ons lewe,
 laat ons die koninkryk verwag,
 totdat die volheid van sy vrede
 nuut deurbreek op die laaste dag.

Die Liedboek van die Kerk: Lied 588

Besluit: Goedgekeur.

2.3 Die Sinode die goeie trou en harde werk van die Deputate aanvaar, in die lig van die feit dat die Deputate verteenwoordigend was en die nodige kundiges ingesluit het.

Besluit: Goedgekeur.

2.4 Die Sinode benoem Deputate met die volgende opdrag: Om Psalms, Skrifberymings en ander geestelike liedere wat deur kerke en lidmate aan die Deputate voorgelê word sowel as die liedere wat reeds aan die Deputate voorgelê is maar nie afgehandel kon word nie (kyk 1.3 en 1.6 hierbo), aan die hand van die omvattende beginselraamwerk te beoordeel.

2.5 Ten minste een dogmatikus en een letterkundige op die Deputate benoem sal word.

Besluit: Goedgekeur.

F. RAPPORT VAN DIE KOMMISSIE

1. Sake waarvan die Sinode kennis neem

1.1 *Uitvoering*

Die Kommissie het insette ontvang en 'n afgevaardigde te woord gestaan. Insette was deeglik begrond. Alles het gegaan oor die reëls in Lied 353 waarvoor vrae ontstaan het in die lig van die geboorte van van Jesus wat besing word en veral die profesie van Immanuel (Jes 7:14 en 8:8).

Drie reëls uit die lied het aan die orde gekom:

- a) Vers 1: "...in die stad van Dawid word Hy Immanuel"
- b) Vers 3: "... word nou sy eiendom"
- c) Vers 2: "...word Hy ons Verlosser, ..."

Besluit: Kennis geneem.

1.2 *Beredenering*

In die bespreking van al drie gedeeltes het dit duidelik geword dat daar twee teenoorstaande standpunte heers oor die tersaaklike eksegeese by elke gedeelte. Hieronder druk a) en b) onderskeidelik elke keer kortliks die teenoorstaande standpunte uit:

1.2.1 Vers 1: "...word Hy Immanuel"

- a) Jes 7:14 en 8:8 se Messiaanse strekking is profeties. Christus is van ewigheid af Seun, maar in die vervulling van die profesie met sy menswording, word Hy God met ons. Ons bely in NGB, art 18 die Naam "Immanuel" as deel van die menswording van Christus. Die "word" dui op die heilshistoriese voortgang en verwerkliking van dit wat belof is. Dit is ook in lyn met beredenerings oor Messiaanse gedeeltes in antwoord op Beswaarskrifte in Nasionale Sinodes 1991 en 2003.

Daarteenoor:

- b) Die Immanuel-profesie dui op die koms van die Seun van God. Dit is die Seun, Self God, ewig soos die Vader en die Gees, wat Homself verneder en ons natuur aanneem. Sy koms in sy vernedering is nie sy begin of die begin van sy werk nie. Die Seun is ewig, alomteenwoordig. Hy is God met ons. Hy is ook nou Immanuel, alhoewel Hy na sy mensheid in die hemel is. Wanneer die Seun van God ons natuur aanneem, word Hy nie Immanuel nie. Hy is Immanuel wat na die aarde kom.

1.2.2 Vers 3: "...word nou sy eiendom"

- a) Indien die reël gelees word in die konteks van die lied, dui die woord "nou" op die oomblik van Jesus, die Verlosser, se geboorte. Met sy geboorte word die bedeling waarin Christus ons tot sy eiendom verlos, 'n werklikheid. Die "word" dui dus op wat in Christus verwerklik word van God se raadsbesluit: Ons word sy eiendom soos wat Hy beskik het. Dit is heel anders as wanneer die woord "nou" sou dui op die oomblik waarop jy tot geloof kom. Dán sou die stelling inderdaad Remonstrants wees.

Daarteenoor:

- b) Die eiendom van Jesus is die wat die Vader Hom gegee het (Joh 17:2, 6, 9, 10). Hy verlos sy eiendom tot lof van sy heerlikheid (Ef 1:14). Die eiendom is dié wat in Hom uitverkies is voor die grondlegging van die wêreld. Deur die geloof kry hulle deel in Christus. Die versreël stel die geloof as die vereiste om die eiendom te wees: “Wie glo word nou sy eiendom”, nou – omdat hulle glo. Die geloof is ’n gawe aan sy uitverkorenes.

1.2.3 Vers 2: “...word Hy ons Verlosser, ...”

- a) Ook in hierdie geval word die stygende openbaringshistoriese lyn uitgedruk sodat ons die wonderbare ontvouing van God se heilsplan kan besing. Dit kom bv ook in Heb 5:9-10 voor: “En toe Hy volmaaktheid bereik het, het Hy vir almal wat aan Hom gehoorsaam is, die bron van ewige saligheid geword en is Hy deur God verklaar tot Hoëpriester volgens die priesterorde van Melgisedek.

Daarteenoor:

- b) Word Hy ons Verlosser? Hy is ons Verlosser volgens die ewige raad van God. Hy openbaar Hom in die tyd as ons Middelaar, maar Hy is ons Middelaar wat kom.

Besluit: Kennis geneem van 1.2 tot 1.2.3.

1.3 *Bevinding*

1.3.1 Die teenoorstaande standpunte kan verwarring skep. Dan is dit ’n veiliger weg om die lied nie goed te keur nie.

1.3.2 Indien die betrokke gedeeltes verkeerd geïnterpreteer word, skep dit die indruk van dwaalleer.

Besluit: Kennis geneem van 1.3.1 en 1.3.2.

2. Sake waaroor die Sinode besluit

2.1 *Aanbeveling*

In die lig van 1.3 keur die Sinode Lied 353 af.

Besluit: Afgekeur. Lied 353 word goedgekeur.